

D. M.



220097

kat komp

Paris




Mag. St. De.

P

Feol. 5283.

Lodovicki Antonii franc. Viridarium sancti Petri
in Carmeli solo plantatum —



VIRIDARIUM SANCTITATIS

IN



CARMELI SOLO
PLANTATVM

D. MARIA
MAGDALENA
DE PAZZIS,

Annuâ suæ Festivitatîs recurrente die,
In Basilicâ Celeberrimi Conventûs Cra-
coviensis Majoris Perantiquæ Regularis
Observantiæ PP. Carmelitarum,

Devotâ Panegyri,

In numerofo Magnorum Hospitum concursu.

^{AB}
ANTONIO FRANCISCO RADWAN

de Choragwica

L O D Z I N S K I,

Burgrabida Cracoviensi, Philosophiæ & Iurisprudentiæ in Alma
Academia Cracoviensi Auditore

PRODUCTUM.

Annò quò

Magno De Cælo fLoret ReX VIVIt & Hortò.

Die 25 Maji.

CRACOVIAE, TYPIS UNIVERSITATIS.

In Stemma
 C E L S I S S I M Æ
 LVBOMIRSCIORVM
 D O M U S.



Nec Tagus aut Ganges pretiosas jactet arenas 220097
 Hic FLVVIVS superat, quidquid uterq; vomit
 Gemmas hinc Patriâ Argentum piscatur & aurum
 Illis scepra micant, eminet his Patria
 Quotq; Viros numerat Domus hæc LVBOMIRSCIA, crede
 In decus hos Regnis in pretiumq; datos.

CELSISSIMO
AC
ILLVSTRISSIMO
DOMINO,
D. GEORGIO
DOMINICO
COMITI in WISNICZ & JAROSŁAW
LUBOMIRSKI,
SACRI ROMANI IMPERII PRINCIPI,
Succamerario Regni, Exercituum Regni Generali,
Olsztinensi, Casimirienti, Raciascensi, Uticensi,
CAPITANEO.

Domino Patrono Colendissimo.

IN prodigiosa Thaumaturge MARIE Arc-
na. Virtutum Floribus conspicuum VIRI-
DARIVM, quod minus florido verborum
cultu adumbravit facundia, à Celsissimæ
Donûs Tuæ splendoribus Serenum, & à Tuo
SRZENIAVA vigorem exoptat. Celsissime
ac Illustrissime Domine. Nec alibi venustius suam Orbi ex-
plicare potuit amanitatem, quam ad Soli amula LOMVS Tux

Lumina, & per spatiosos Lechia Campos diffusa SRZENIA-
VÆ Fluenta. Imò gratiorem Orbi spirabit odorem, cum Tuò
Calis gratissimo AMNE facundabitur. Et licet in Stelliferi
Carmeli plantatum vertice, plenò Gratiarum MARIE inun-
detur Oceano, ut tamen augmentatis Florum delicijs univer-
sum solennius recreet Orbem, etiam Tuò allui cupit FLVMI-
NE. Nilum dixerim Cellissimum SRZENIAVAM: qui
plùs quàm septem ostijs Lechicos inundat Campos & victri-
cibus facundat Palmis. Aurea Gentis Polonæ Libertas, quòd
hactenus ad invidiam Gentium floreat, Cellissimæ LVBO-
MIRSCIORVM debet DOMVI. Aruisset utiq; toties inter
ignitos furentis Gradivi ardores, nisi ab Eorum Fonte vigorem
derivaret. Oceanus est Cellissimus SRZENIAVA, purò il-
limis honore, quem exiguo stillantem rivò, nemini unquàm
videre licuit, cum pretiosà tempestate in commoda Patriæ, ple-
nò exundet alveo. Tutius huic FLVMINI quàm aquoreis
quondam fluctibus Cesaris fortuna, toties felicitatis Polonæ
commissa Navis ad bonæ spei Promontorium enata est, nun-
quàm scyllas charybdæq; experta nisi in perniciem hostium la-
trantes. Formidavit à longè etiam pacatos SRZENIAVÆ
fluctus naufraga toties Crucigerorum, Moschorum, Turcarum,
Cosacorum, Valachorum, Suecorumq; ambitio; in quibus hor-
rendos experta scopulos, infami periit naufragio. Felix ad
FONTEM hunc Polonia, quoties inter ignes æstusq; Gradivi
fervidà auxilij flagrabat siti, toties eò refrigerata animum vi-
resq; refecit. FONS hic pretiosissimus vel inde mirandus,
quod cum omnium vota satiet & ditet, solos duntaxat Orato-
res inopes & sit entes inter undas Tantalos efficiat. Capere
potius quam capi Eurippus hic natus, Ingeniorum cogitata
excedit, eruditarum mentium sese in Encomia eviscerantium
Ideas confundit, quibus ruborem iniecit, supra vires esse, quod
optant exprobrando. Nec mirum; LVBOMIRSCIANVS est,
ab alto deductus, in immensum extensus, ipsi vetustate pul-
cherrimus. Hic Casarrum Imperatorumq; Romanorum au-
ctus sanguine, in Sarmaticos se se cum DRVSO Lechi Comite
diffudit Campos, ut facundaret; facundavit, & illis decoribus,
quæ Orbis mirari non desinit, exornavit. Coronis assuetus,
ian-

tantâ annorum serie, nil nisi Principum Mitras, Ducum Clavas, Senatorumq; voluit Curules. Ex hoc Calis infuso Eridano tot primæ magnitudinis prodire sydera, Orbis Poloni Lumina & Columnina. MARCVS Comes in Lubomirz LVBOMIRSCIVS PALATINVS Sandomiriensis, cui similem nulla protulit ætas Consilio vel Marte virum. ALBERTVS LVBOMIRSCIVS sui sæculi Cyneas, Magnus ad Rudolphum I. Imperatorem Legatus: ore manuq; adeò potens, ut in Comitum Imperij ab eodem assumeretur. IOACHIMVS LVBOMIRSCIVS Capitaneus Iassensis Legionum Præfectus, Sigismundi Augusti amor, Ludovici Hungariæ Regis contra Solimanum, belli Comes, qui licet in martis acie occubuit, manet tamen illius fama superstes. SEBASTIANVS Comes in Wisnicz & Iaroslâw LVBOMIRSCIVS Castellanus Woynicensis Tuus Celsissime PRINCEPS Proavus Togâ Sagog; clarus, Rudolpho II. Imperatori, ære proprio conducto Exercitu in auxilium ipse belli Fulmen advolavit, Sigismundo III. in expugnatione smolensci, fortunatum fecit eventum. STANISLAVS LVBOMIRSCIVS Terrarum Russiæ mox Cracoviensis Palatinus, Minoris Poloniæ Generalis Avus Tuus mille Elogijs dignus, & Orbi regendo par. Quod heroica virtutis specimen monstraverit? tota Christianitas novit, & stupenda ejus gesta annuatim celebrat. Ad Chotimum Campestris, mox Supremus Exercituum DVX, superbo Orienti tristem intulit occasum, ut in ea ferrea tempestate PATER Patriæ dici mereretur: cujus virtutem admirandam in Oriente prospiciens FERDINANDVS III. Romani Imperij mitrâ Eundem coronavit. IOACHIMVS LVBOMIRSCIVS Dobcicensis, Lipnicensis, Tymbarcensis, Capitaneus, tenerâ manu ferrum stringere assuetus, Prætextæ sagum superinduit, sanguinem pro Patria fundere paratus, Iuvenis Heros dum ad Smolenticum excubat, occumbit, & vi febris occidit, qui manu hostis occidi non potuit. GEORGIVS Comes in Wisnicz & Iaroslâw LVBOMIRSCIVS S. R. I. PRINCEPS Supremus Poloniæ MARESCHALCVS & Exercituum DVX Minoris Poloniæ GENERALIS, Tuus & Patriæ PATER Purpurâ & sceptro dignus, nisi ea servare potius quàm habere contentus, suo

probasset exemplū majus esse, Regna mereri quā possidere. Si
prælia & discrimina Oratores agere possent, hæc grande victo-
rijs Inuictissimi Ducis præberent testimonium. Pavore magis
quā rigente brumâ congelatus Septemtrio, in infamem fugam
solvi suos fleuit exercitus, ubi ille triumphales accendebat ignes,
& barbarus ille Moschorum scytharumq; populus humanitatem
didicit, ante Victorem LVBOMIRSCIVM prostratus. Ille
ad Cudnovum, novum inauditumq; heroica virtutis fecit mira-
culum. Ad Piatkow & Slobodyscze, optimam victoria glori-
am, & dulce pacis Patriæ dedit solatium, ibi sexaginta Mo-
schorum, hic quadraginta Cosacorum millibus profligatis. Ebria
ambitione Principi Transylvania Racocio ad Ostrow acerrimum
flagellum, prostratis triginta millibus, vix aliquos, cum fedi-
frago Principe dimisit, ut LVBOMIRSCIANÆ Magnitudi-
nis & suæ cladis nuntij existerent. Ferox Oihomanus, sua ex
Chotimensi clade lambens vulnera, vel ad solam tanti NOMI-
NIS recordationem contremuit. Furens Gotthicus Leo arden-
tes vomens ore flammæ fatalem Polonia minabatur rogam,
at postquam Inuicti Herculis triumphalem sensit Clavam, pe-
renni cum opprobrio in sua redijt cubilia. Ut verò amplius
LVBOMIRSCII famam agitatæ per æthera pennis Regni di-
wulgarent Aquila, Serenissimum Poloniæ Solem CASIMIRVM
è vicinioris Celi vindicatum nubibus in Patrium reduxit He-
misphærium. Tanta Paterni splendoris majestas ad Filios de-
ducta Lechicūm hætenus irradiat Orbem. In Celsissimum
STANISLAVM LVBOMIRSCIVM Archimareschalcum
Regni Germanum Tuum, qui Paternæ virtutis typus, tantum
gloriæ Poloniæ Genti dedit, quantum illa optare, sed vix spera-
re potuit. Continuat immortalis gloria historiā Celsissima
Proles, Celsissimus & Illustrissimus Dominus THEODO-
RVS LVBOMIRSCIVS Capitaneus Scepusiensis, cujus vir-
tutes & encomia Austriaci notant fasti. FRANCISCVS &
IOSEPHVS LVBOMIRSCII Legionum Præfecti Celsissimis
titulis graves. ANNA FABII LECHICI ADAMI de Gra-
now Comitissæ in Mys̃ & Szkłow SIENIAWSKI, Castellani
Cracoviensis, Supremi Exercituum Ducis Consors Amazon
Sarmatica. In HIERONYMVVM LVBOMIRSCIVM

Castellatum Cracoviensem Supremum Exercituum Ducem,
 cujus victorijs & trophæis ampla volumina non sufficiunt. Ille
 Heroum exemplar, viginti Confectuum Victor, barbarorum
 flagellum dici meruit. Sequitur vestigia Patris, numerosa in
 commoda Patria Progenies: GEORGIVS LVBOMIRSCIVS
 Capitaneus Boguslaviensis Legionum Præfectus Martiali Pa-
 rentis Spiritu in ardua quæque & fortia animatus. IOAN-
 NES & ALEXANDER LVBOMIRSCII, ille Eques Meli-
 tensis, hic Culinæ Regni Præfectus, uterq; non vana virtu-
 tum & laudum Paternarum successio. ANNA WIELO-
 LOPOLSKA Palatina Siradiensis, ipsa suum superat sexum.
 In ALEXANDRVM LVBOMIRSCIVM Capitaneum San-
 decensem, suo nomine maiorem & si Fata permisissent, maxi-
 mum futurum, qui Diademati Principum pretiosos donavit uni-
 ones: GEORGIVM LVBOMIRSCIVM Castrorum Regni
 Metatorem, qui vera Martis Imago Imperatorum Romano-
 rum amor, pro quorum gloriâ, Imperij Princeps & Genera-
 lis Legionis Præfectus eò felicius, quò dexteriùs militat. IO-
 SEPHVM LVBOMIRSCIVM Episcopum Nominatum Chet-
 mensem Abbatem Tynecensem, cui cum Roma Pedum por-
 rigeret, Libitina Cupressum inseruit. MICHAELEM LV-
 BOMIRSCIVM olim Subdapiferum Regni, animi elegantia
 medullam. ANNAM Comitum in Wisnicz & Iaroslâw MA-
 ŁACHOWSKA Palatinam Posnanensem, Corneliam Polo-
 nam, omnibus Encomijs maiorem Heroïnâ. Tuas verò
 Cellissime Princeps dum aggredior laudes, in mutam Memnonis
 statuam obrigescere videor, & quid loqui debeam, penitus igno-
 ro. Debilem enim Oratoris fatigas suadam, & virtutum
 Tuarum magnitudine ingenij mei hebetas acumen. Et jam
 lassatam per spatiosum Cellissimæ DOMVS Oceanum, Enco-
 miorum Tuorum mari, naufragium metuens, ingenij mei non
 committerem Cymbam, ni innata benevolentia Tua sperarem
 malatiam. Primam ergo pueritiæ Tue Bullam dum conci-
 pio, Togatam adoro virtutem. Vix namq; firmasti rectò ve-
 stigia gressu, ubi Avos Proavosq; Tuos, ipsumq; Parentem
 victricibus redimitos Laureis, Purpuris nitentes, Trabeis
 & Fascibus ornatos spectasti, eorum vestigijs insistere statuebas,

in tenello pectore jam heroica virtutis ignes concipiens. Ut ta-
men futuris victorijs in Literaria Arena eruditō praluderet
certamine, Musis Te dicasti, quibus ac si inter illas natus
esses, tantū placuisti, ut Te suum venerarentur Apollinem.
Nausearunt Castalios Fontes, ubi e Tuo FLVMINE necta-
reas gustarunt undas. Tu Parnassi decus, Ingenij Tui celeri-
tate omnes anteibas, & paucis mensibus, copiosam Eruditionis
messē collegisti. Unde in Patrio Solo plenē eruditus, ad Exo-
ticos properasti Soles, quos illustrares. Nihil jucundius Gal-
lia, quā Te Hospitem conspiciere potuit, cujus Lilys Tuō
limpidissimō Fonte candorem augebas. Nil Hesperio Regno
gratius fuerat Te Phæbō lucidissimō. Et cum alienō calebas
Sole, Patria aestuabat Tui desiderio, cujus ubi Redux vota
coronasti, illa Te supremis coronavit honoribus. Quanquā
Tibi honor omnis inquitinns & pedisequus est, Te sequitur
& ambit, non à Te ambitur. Eā namq; produisti DOMO,
cui ancillatur Fortuna, & omnis militat Honos. DOMVS
TVA Regalibus Imperatorijq; cognata Coronis, semper per cul-
mina honorum volitat, Fascibus Trabeisq; ornata. Tu tamen
ne Solis Majorum clarescas splendoribus, Virtutum merito-
rumq; Tuorum luce fumosas Avorum Atavorumq; illustras Ima-
gines. Spectavit Orbis Austriacus Tuam sui Principis virtu-
tem, & quod ab Oriente tristem non noverit Occasum, Soli
Sarmatico IOANNI & Tibi prima magnitudinis debet Lumi-
nari. Erubuit pallida Orientis Luna, ubi SRZENIA VII
Byssioniō rubuere Sangvine Fluctus. Imō Eclipsim pati debuit,
cui se & Lechicus opposuit Phæbus, & Tua mucrone gravida
in scitum levata manus fatalem impressit umbram. Firmissimam
immortalis gloriæ posuisti basim, hosti ad Strygonium Ponte
subruitō. Hinc tot Laureis redimitus Victor Coronato Lechia
Marti Serenissimo olim IOANNI III. Poloniarum REGI,
tantū adhasisti, ut quem Orbis horruit Macedonem, ille Te
suum Ephessionem intimō foveret pectore. Nec potuit Te non
amare, quem tot obligasti meritis & muneribus. Quippe inter
festivos gratulantis Patriæ plausus, etiam Tu victoriarum Cen-
sum, Turcarum illi pendebas mancipia. Nec decuit victorijs
enutritum Heroem alijs muneribus, quā vinctis hostibus ob-
stri-


strictam sibi reddere Majestatem. Et jam cum omnes fortitudi-
ne viceris, Calum auro oppugnare non cessas, profusâ liberali-
tate onerare non desinis; ut à Te fatigatum, dulces solationum
refundat imbres. Refundit, & pro auro, auream reddit Pro-
lem, quam à Celo donatam, Calitibus educandam tribuis, ut
eam in Patriâ delictum gratis enutrient. Thaumaturgum
Antonium Proles Tuâ Custodem & Tutorem statuis, bene est,
ab Antonio enutrita, olim Regna bibet, nata ad Coronas. Ad tan-
tam splendoris majestatem, non minus accedit Lumen ex Illu-
strissima & Dijs proxima, quia Iovi Sarmatico consanguinea
TARLONVM DOMO, ex qua pretiosam Gemmam, ad Tu-
um traxisti SRZENIAVAM. Nempe Celsissimam Conjugem
Tuam olim STANISLAI TARŁO Palatini Lublinensis Le-
ctissimam Filiam, Orbis Poloni Pulcheriam, cujus laudes &
Encomia cum facundiam excedant, dixisse sufficiat; in ea na-
tam esse DOMO in qua si possent, Dijs nasci vellent. Nondum
Orbis Polonum adoraverat Nomen, cum TOPOREORVM
FAMILIA perennaret. Imò Campi Poloni, quòd ex incultis
sylvarum tesqvis in Elysios mutati, copiosam Laurearum profe-
rant messem, Illustrissimæ TARLONVM debent ASCIÆ, quæ
cum primo Lechiæ Parente cuncta componens, suo & Polono
Nomini immortalis gloriæ theatrum extruxit. Ex hac DOMO
unò minores Iove prodire Viri, qui inter duodecem Palatinos
Polonis Gentibus Iura dabant. Inde recentioris memoria Mar-
tiales animæ non interruptam seculorum continuant historiam.
HIERONYMVS TARŁO suâ virtute æstimatissimus, qui
victorijs enutritus, & veloci ad Patriæ præsidium assuetus sonipe-
di, Senatoriam Palatinatûs Sandomiriensis Curulem à SIGI-
SMVNDO Poloniarum REGE ultro oblatam recusavit. **IO-**
ANNES TARŁO Palatinus Sandomiriensis Arte & Marte in-
clytus, ex utroq, Caesar, Camenecum ex faucibus hostis eripuit,
& ad hunc Lapidem triumphales elicit ignes. PETRVS
TARŁO Lechiæ Fortunæ Petra firmissima, belli fulmen ho-
stibus Patria metuendum. OTTO TARŁO Lechicus Cyne-
as, ad Othomanicam Portam Legatus, non suo duntaxat No-
mini, sed etiam universo Lechico Orbi æternam gloriam,
suò paravit Eloquentiâ. PAVLVS TARŁO Arch:episcopis Leo-

poliensis, *Vas Electum*. BARTHOLOMÆVS TARŁO Episcopus Posnaniensis Patruus Celsissimæ Conjugis Tuæ, *Pastor bonus in Ecclesia, & Pater Patria in Senatu*. IOANNES TARŁO Episcopus Kijoviensis, alter Patruus, *verè Ioannes quia graciosus; Gemma Prasulum, virtutum Compendium, modestia typus & Sanctioris vitæ regula*. PETRVS TARŁO Episcopus Posnaniensis & laudari & amari dignus *Religione Numa, bonitate Traiano melior, & omni honore maior*. NICOLAVS TARŁO Cancellarius Regni, CAROLVS Vice-Cancellarius, SIGISMVNDVS Bellenfis, IOANNES Radomienfis, IOANNES Polanecensis Castellani, IOANNES Incisor Regni, STANISLAVS olim Culinæ Regni Præfectus. ADAMVS TARŁO Palatinus Lublinensis Germanus Celsissimæ Principis *vera Paterna virtutis Imago, & Laudum vastissima materies*. Infinitum esset utriusq̃ DOMVS ad calculum revocare decora, non modò exiguâ paginâ, sed nè extensis quidem voluminibus concludenda; nam quemcunq̃ requires, hac de Stirpe Virum, certum est de Principe nasci. Hinc ad Celsissimum SRZENIAVAM cui veluti Iordani Dignitaria TARŁONVM innatat Ascia tot Altissimarum Familiarum Sanguinis illabuntur Fontes: Wisniowiecciorum, Radivillorum, Czartoryisciorum Sanguszkonum, Zbarasiorum, Ostrogiorum, Sapieharum, Ligęzarum, Potocciorum Sieniawsciorum, Lanckoroniorum, Olesnicciorum, Zebrzydoviorum, Koniecpolsciorum, Wielopolsciorum, Tęczyniorum, Osoliniorum, Małachowsciorum, Koryciniorum, & si longiori computabis syllabò, huc ibunt totius Lechiæ, Lumina, quæ cum Ingenia excedant, in Te clauduntur, verius quàm in Pantheo Numina. Atq̃ jam in ipso Laudum Tuarum exordio, epilogum Dictioni pono. Et cum VIRIDARIVM SANCTITATIS sub Tuo Celsissimo NOMINE luci publicæ aperio, ut ad perennem Orbis Poloni gloriam & Celsissimæ Familiæ decus in Nestoreos Annos Felix & incolumis floreas, precor.

Celsissimæ ac Illustrissimæ
Dominationis Vestræ.

Humillimus servus & Client.

Author Operis,



ORATIO.



Ublime Virtutum MAGDALENÆ de PAZZIS augustale minus phaleratō verborum subintrare cothurnō, & excelsum Perfectionis illius Olympum Oratoriā involare pennā, plenum periculi opus est. AA. Adeò namq; perplexus & difficilis Elogiorum MAGDALENÆ probatur tractus; ut etiam velocissimi ingeniorum motus, vel in ipso dicendi limine, à recto itineris exordio in obliquum vertiginis anfractum rotari cogantur. Imò tendentibus ad consumatæ Sanctitatis MAGDALENÆ culmen, armata in Arenis instruitur acies; contra imbelles Oratores pugnatura. Celeres licet Rhetorum Gradationes quò citatiore passu in Elogia hujus VIRGINIS excurrere nituntur, eò magis fatigatō impetu in Arena retardatæ, à proposito detinentur itinere. Et quàmvis nonnulli sublimis ingenij pennis in Stellati CARMELI verticem evolare contendant, ubi Virtutes MAGDALENÆ clariùs speculentur; verendum tamen illis est, nè
C ad

adardentes ELIÆ Flammas adusti, Icarix sonitum
ruinæ experiantur. Imò districtus SERAPHICI PA-
TRIS mucro fatale quid illis minari videtur, ni di-
gnam SERAPHICÆ VIRGINI elogiorum adferant
victimam. Fulgurans halybei pugionis splendor
curiosæ palpebræ everberat aciem, quæ profanô
lumine tantam Virtutum majestatem præsumit in-
tueri. MAGDALENA quippe Stellati CARMELI
radians Cynosura est, quam nemo impunè cæcuti-
entē pupillâ absq; lachrymarum nube adspexerit.
Rubum dixerim Elianîs Ignibûs ardentem augustam
MAGDALENÆ Sedem CARMELUM, ad quem non
cuivis patet aditus, quia Locus Sacer est. Quis er-
gò splendidô verborum apparatu eminere præsu-
met? ubi MAGDALENAM CARMELI nubes, &
Religiosæ modestiæ velum obducit. Non deest fa-
teor dignitaria Reginæ Animorum Eloquentiæ pur-
pura, sed hæc ad candidum ELIÆ Pallium erube-
scit. Iactat illa splendida verborum lumina, ve-
rùm & hæc ad Syderum CARMELI splendorem ex-
tingvuntur. Floridum quidem Virentes Festorum
Feriæ ad verticem CARMELI sternere videntur iter,
pes tamen invitus in floribus aculeos, & in herba
angves expavescit. Verbô; inter Ignitarum Lin-
gvarum affluentiam, quibûs hodiè disertissimi facti
Apostoli, ubi encomia MAGDALENÆ celebra-
da; facilè cujusvis Oratoris lingua obmutescit. Ni-
tere tamen imbellis Oratoris Svada, nitere in ex-
cellsum CARMELI verticem, & vide visionem hanc,
nimirum: coruscum Virtutum MAGDALENÆ
splendorem clariùs intueri. Si arduus in sublimē
terret ascensus? Triumphalis ELIÆ Currus præ-
stò adest. Si obvias rupes, ne pedem offendas, ti-
mes? SERAPHICUS PATER alas non negabit. Ver-

bo-

borum floribûs si cares? hos in pingvi CARMELI Solo, amplô colliges proventu. Si verborum parsimoniam, & siccam dicendi materiem incusas? utrumq; CRYSTALLINUM ad CARMELUM Gratiarum MARE suppeditabit, irrigabit. Et jam Montis verticem attingit, imò: ad Penfiles Semiramidis Hortos se tractam putans facundia, rapitur in stuporem. Hinc fertile CARMELI admiratur Solum, illinc mirô distinctos ordine Virtutum MAGDALENÆ spectat Flores, & suavem probitatis illius sentit odorem: ut inter tanta Florum & odoris illicia, inauditâ dulcedine repleatur. Benè est; VIRIDARIUM SANCTITATIS in CARMELI Solo plantatum D. MAGDALENAM declarabo. VIRIDARIUM cum sis D. VIRGO: languidum Orationis recrea ingenium, nè in Tuis fatiscat elogijs. Vos verò AA. VIRIDARII hujus amœnitatem spectaturi, benevolæ attentionis spirare favonios.

Ad amœnas virentis Maji ferias optimè sibi consuluisse videtur facundia, ubi ad dulcem animorum oblectationem, in Viridarium Auditorem invitare statuit. Novit quippe prodigiosum naturæ partum, blandam animorum voluptatem Viridaria, adeò languidas mortalium recreare mentes, ut ea, inter tristitia mœrorum nubila, veluti clariorem post umbras Phæbum, avidô investigent conatu. Unde videre est, post sævientis brumæ algores, ut apum agmina, ad mellifluam Hyblam, sic mortalium, ad hortos, deliciarum domos, convolare cætervas; ubi dulcia oblectationis sumant libamina. Non immeritò primus rerum Conditor primum producturus hominem, Hortulanum agere voluit; ut novo terrarum Incolæ, novum plantasset Viridarium. Nec prius homini vivere quàm delicioso

Paradyfi Horto virere dedit, quem inter millena
aurei licet sæculi gaudia tristem fore putavit; nisi
habuisset: in quo dulcem sinè mæroris felle, duxif-
set vitam, Viridarium. Inde pulsum mortalium
genus alibi hortos quærere cæpit, post divisum
enim inter Deos Deasq; Orbis imperium, nè hor-
torum abrogaretur cultura, Chloridi Deæ in regi-
men cessit; ad cujus nutum, oculis blandimenta,
animis delicias, flores, terra proferret. Hinc ve-
neranda, nisi superstitiosa fuisset, Antiquitas, tot
floridas plantatricis Deæ spectavit Colonias, jam
Pæstana Roseta, jam Thessala Tempe, jam delicio-
sos Alcinoi, & Pensiles semiramidis Hortos, jam
variò florum distincta genere Phæacum Viridaria,
cum stupore & dulcedine mentis mirabatur. Hinc
niveò tumentia candore Lilia, illinc flavescentes
Narcysos, & demissò cultu certantes violas, ipsos
deniq; Principes amænitatis Hortos speculata. Sed
ah miseram fluxamq; nimis hortorum gloriam! &
brevem ostentationis pompam! qui quò virent,
eòdem deflorescunt momentò, ac excussà folio-
rum luxurie, oculos amænitate, & se se venustate
absolvunt. Venustius hodiè in CARMELI Solo plan-
tatum Vobis panditur VIRIDARIUM AA. D.
MAGDALENA de PAZZIS, cujus si primam re-
censebitis radicem, & flores carpere licebit. In fæ-
cundo hortorum Solo, in Hesperio Regno, primam
sui explicat stirpem VIRGO SERAPHICA, ut &
ipsa feliciore syderum fæcundata influxu, in amæ-
num SANCTITATIS crescat VIRIDARIUM.
Prodit in lucem Genirote CAMILLO, quem Di-
ctatori non absimilem experta Florentia; ille enim
laureis ornavit Imperium, ab hoc cultius florere
cæpit Florentia, VIRIDARIO MAGDALENA

fæcundata. Ad Padi Tiberisq; ostia locari voluit
nobile germen, ut præstò haberet undas, quibûs
irrigatum, in Virtutum flores excresceret. In Sa-
cro Baptismatis Fonte CATHARINÆ sortitur
Nomen, ut VIRIDARIUM futura, natis chara exi-
stat, & Sanctioris Junonis Tutelaræ suæ lacte fæ-
cundetur. Et jam in VIRIDARIO nostro gem-
mantes Virtutum pullulant Flores, hinc modestiæ
assurgunt Violæ, illinc vivam spirantes purpuram
verecundiæ Rosæ, alibi intaminatæ castitatis Lilia,
ut tota in SANCTITATIS VIRIDARIUM cecis-
se crederetur. Necdum gressus formare didicit, &
jam de Virtute, scandit in Virtutem. Pietatem à
teneris ita coluit; ut eam cum lacte suxisse videre-
tur. Hinc Infans nondum verba promere potuit,
jam pijs in Deum diserta precibûs, exiguam tenel-
li corporis quantitatem Virtutum magnitudine
extendebat. Omnem in suum Pectus quasi in quod-
dam augustale, Virtutum deduxit speciem, omnem
complexa probitatem, aliter se non fore VIRIDA-
RIUM rata; nisi omnes SANCTITATIS Flores
contineret. Nullum hîc inutile levitatis gramen,
etiam Argi notasset pupilla, nullam imperfectio-
nis herbam advertisset, ubi tota florida Virtutis Pro-
vincia plantata fuerat. Nullus lænociniorum mun-
di favonius afflavit, nec impurus VIRIDARIUM
hoc adussit firius, Solius D. Spiritûs operante ca-
lore, suaves SANCTITATIS germinavit Flores;
quos nè pestilentis mundi inficeret aura, solitariam
agebat vitam. Cordis sui penetralia Virtutum sti-
pavit satellitiô, ut Soli pateret Deo, quem ut citi-
us ad se alliceret: perpetuam illi vovit Castitatem.
Bene est D. VIRGO, VIRIDARIUM es, ut Cæle-
stis Agni aureô diteris vellere, eundem Liliis Casti-

ratis pascas, necesse est. O summam in tenella
MAGDALENA Virtutem! vix decennis Puella,
tardum munus esse sciens, autumnum vitæ Deo di-
care, non florem; catenatam sceleribus mundi
exosa libertatem, sese Divinæ mancipavit servituti,
tantumq; in Virtute profecit: quantum nec senilis
poterat ætas. Necdum pueritiæ exiit prætextam,
jam Togatam Virtutum præferebat majestatem. In-
ter homines, nil humanum præter carnem gerens,
continuò in Deum Orationis ferebatur impetu,
imò humanam fugiens societatem, ad Elianum
Claustum, ad MARCE Gratiarum MARIAM se se
transferre intendit. Sed quid agis ô tenerrima
VIRGO! VIRIDARIUM es, ergone Orbi Tuam
subtrahes amœnitatem? Siccinè odorem Tuum,
quò totus recreatur Orbis, senio confectæ Geni-
torum reficiuntur vires; totaq; Nobilissima reple-
tur Domus, angustò ELIÆ supprimes Claustro?
siccinè Soli æmulam vultus Tui majestatem, &
blandientem explicatæ Frontis decorem raræ ve-
recundia theatrum, CARMELI nube obduces? sicci-
nè gemmeam Corporis Tui venustatem, nè intu-
entium recreet oculos ELIÆ Pallio velabis? En
arida Parentum ætas, falsis irrigatur lachrymis, en
nivea Canities atrò mæroris temeratur squallore,
Tè gemmeâ oculorum pupillâ, & floridâ capitis
Coronâ decidente. Splendidior Tibi paratur tho-
rus, nobilior Te vocat Hymen, & nativi Sangvi-
nis Purpura, Tuos exambit operire lacertos. Ve-
rùm tenera licet, tenax tamen propositi VIR A-
GO, velut immota rupes, nec lachrymâs, nec
prece flecti, nec blandis, mundi delicijs emolliri
potuit, & cum VIRIDARIUM foret, terreno
sponso herbam porrigere recusavit. Pergit ad Eli-
anum

anum Claustum, ut immundum mundi videret oculum soli; pateat Cælo Castissima VIRGO. In excelso CARMELI Colle locari eupit, ut à terrenis amota illecebris, liberiore passu Seraphicis pennis in Cælum evolare. Nec alibi tutius plantari potuit VIRIDARIUM nostrum, quam in fertili CARMELI Solo, ubi & MARIANO inundatum OCEANO, & Astris vicinius, benigno Cælorum fecundatum influxu Virtutum flores parturiret. Utq; mundo penitus ignota foret, Charum CATHARINÆ Nomen, in flebile MAGDALENÆ mutat vocabulum. Ipsa Pietas, maximam se peccatricem vocari jubet, & lachrymarum profluvio, quæ non fecit, peccata abluit, an se ipsam alluit; ut jucundius floreat. Vnde videre erat umbrosos Religiosi claustri angulos, Virtutum MAGDALENÆ radijs illustratos, & orbatas syderibus noctes insonni MAGDALENÆ novâ coruscasse luce, ubi SERAPHICA VIRGO, charitatis oleum devotionis fervore accendebat. O quâ animi contentione! quô impetu mentis! quô Spiritus ardore se se Pietati addixit! quâ Virtutis flammâ rapiebatur! quô Divini amoris æstu exardescerebat! Novicia VIRGO Magistram Virtutum egit, unicum Religiosæ vitæ exemplar cunctis in ea admirantibus. Tantam Virtutis sublimitatem, o quàm profundâ declinabat humilitate! En MAGDALENA obedientiæ victima; humilitatis abyssus, pias laboribus erudit manus, vilissimis contenta obsequiis, nutus omnium, quibus pareat, observat. Inter omnes Sanctitate maxima, minimæ ancillæ obit Officium, & quam omnes in supremo perfectionis gradu stetisse noverant, MAGDALENA nè unô quidem passu se in Virtute profecisse asserit, ita ad modestiam compo-

sita, ac si illius esset compositum. Ita sanè profundi-
diora flumina mitiore decurrunt susurrò, plena li-
quoribùs vasa minimè sonant, & pretiosa auri ra-
menta mitè tinniunt, nec aures everberant. Et
D. MAGDALENA quò majore Virtutum fulge-
bat nitore, eò se magis ad Sanctæ modestiæ um-
bras componebat, quò celsiore perfectionis culmi-
ne Cælos tangebatur & astra, eò se profundius in
humilitatis abyssum occultabat, ut palàm monstra-
ret, se esse SANCTITATIS VIRIDARIUM, cui
etiam humilitatis violæ non defuerant. Patienti-
am propè Divinam, quis non admiretur in D. VI-
RAGINE? en innocuam corporis aream, sævis
disciplinarum sulcat aculeis, ut uberrimam Virtu-
tum germinet messem. Imò miraculum Patientiæ
MAGDALENA tot fatigata disciplinâ, tot cæla
flagellis, vix spirat & ad majora aspirat, majora pa-
ti desiderat, langvorem occultat, nè à patiando ar-
ceatur. Ut Virtutes aleret, diuturnâ sese preme-
bat fame; ut se vinceret, se ipsam armabat. Fer-
reâ aureum corpus stringebat catenâ, ut animum
libertati assereret. Ut Virtutum floribus non de-
esset vigor; se assiduâs exhauriebat laboribùs. Ut
hosti palmam præriperet; supplices ad Superos ten-
debat palmas. Ut altius assurgeret; se se proster-
nebat. Divini amoris flammâ exardescerebat; ut
infernî furorem extinguerebat. Pallebat jeunijs; ut
ardens virtutis desiderium accenderet. In Sancti-
tatis semita nè unquàm corrueret; se se Cælo in-
clinabat. Nè probitatis vigor aresceret; torrentes
oculis deducebat. Ut spectabilem animæ redderet
faciem; fletu genas temerabat. Et jam probata
MAGDALENÆ Virtus Supremo placuit Numini,
jam latè diffusum florum VIRIDARII nostri odo-
rem

non sensere Superi, & nè Sanctiori Hesperidi, hostis animæ aurea Virtutum bellaria rapere tentarer, Leonibus custodiendum VIRIDARIUM, destinarunt. Sed ah iniquos VIRIDARII Custodes! quos ad plantas VIRGINIS mites fore putavi agnos, averni furia sunt! quæ totam exerunt vim, ut suaves VIRIDARII nostri flores eradicent. Quid ages Ò INNOCENTISSIMA VIRGO! scelestæ internirabies omnes in Tui interitum concitat Eumenides, & totam iniquorum Spirituum ciet Æoliam, ut ardentem in pectoris Tui ara Divini amoris ignem extingvat. Non metuit Divinò animata Spiritu & solidò Virtutis armata clypeò VIRGO væsanos, inferni furores, auxiliares nonnisi cælitus vocat copias, ut hostem triumphet. Sæviebant integrò quinquenniò averni furia in mitem VIRGINEM, jam horrendis spectaculîs intrepidam MAGDALENÆ terrendo mentem; jam verbis & verberibus à recto Virtutis tramite avellendo; jam religiosæ viæ tædium & abominationem ingerendo; ut hoc dolosò astu innocentem circumvenirent VIRAGINEM. Verùm invicta Amazon MAGDALENA, VIRIDARIUM se esse non ignara, & Laurus sibi adversus fulminantis inferni tela adesse certa, nec sub tribulationum pondere in altum surgente Palmâ carere potuit. En ab ipso Æterno Patre Sancta animatur Bellatrix, quam ille Virtutum sciens VIRIDARIUM, hortum nominavit: Age viriliter; & esto robusta in omnibus; nam si præceptis meis morem gesseris, anima Tua erit mihi, sicut hactenus erat, hortus deliciosissimus. Vicit væsanum inferni furorem; elusit dolosas hostiles artes, fugavit avernæ Leonum ferociam, & cum VIRIDARIUM esset, hosti Palmam non præbuit. Bo-

num certamen certavit; victoriam consumavit;
æternam Cæli coronam meruit. Vera CHRISTI
Sponsa ut noscatur, præciosô ab illo subarrhatur
annulô, digna tantô sponsô, quam felici æternita-
ti desponset. Cælo dignas MAGDALENÆ Vir-
tutes & merita, immortalitatis circulô terminari
necesse fuit. Floribus ornatam Amazonem, imô
VIRIDARIUM ad Cælestes nuptias annulus no-
vit. Laureata victrix MAGDALENA Cælestis
Nobilitatis Insigne à CHRISTO reportat. O
summam MAGDALENÆ fortunam! cui Cæ-
lum ipsum in æternæ amicitiae fædus, non dex-
tram, sed & annulum tradit, suum ei spondet
affectum. Imô FLOS ipse Nazareus Lili-
um Campi ad MAGDALENAM properat, ut ve-
rum demonstret VIRIDARIUM, inter cujus
Virtutum flores dulcissimè commoratur. Ab
Horto Concluso MARIÆ Utero ad MAGDA-
LENÆ VIRIDARIUM divertit, nullibi post
maternum gremium quàm in VIRIDARIO MA-
GDALENA versari cupiens. Instruat Florum
dapibûs Phæbo mensas Ægyptus; VIRIDARIUM
MAGDALENA Solis Justitiæ pabulum est. Tan-
tô ergo nobilitatum FLORE VIRIDARIUM,
altius erexit verticem; & Cælum versùs per con-
tinuas elevabatur extases, ut non jam terrenæ in-
nixum glebæ, sed Pensile crederetur, quod totiest-
ris invidendo Cælum, ad se trahere satagebat. Tota
namq; Virtus tantum occupavit MAGDALE-
NAM, tantum possedit animum; ut nihil terræ
præterquàm ortum deberet. Patientis CHRIS-
TI individua affectu Comes Passionem ejus tan-
tô profecuta amore; ut dolores Crucifixi ferre am-
biret. Tota MAGDALENÆ conversatio cum

Pati-

Paciente CHRISTO & Dolorosa Matre. CHRI-
STI dolores in suo tulit Corpore, dulcissimas si-
bi rata delicias: cum sponso Crucifixo dolere.
Pretiosa illius Vulnera in suo exprimi cupiens cor-
pusculo, favore CRISTI recipit, nè sibi VIRIDA-
RIO rubicundæ deessent rosæ. Albicantes olim,
humanò sanguine rubere rosas, fabulosa asserat
Pœsis; extra veritatis dubium, VIRIDARIUM
nostrum purpureas HOMINIS DEI tinctas Cru-
ore rosas, inter suaves Virtutum numerat Flores.
Tantò Virtutum odore plena VIRGO SERAPHICA,
nihil spirabat; quod non Cælis suave, nihil age-
bat; quod non floridum esset, nil deniq; locuta;
quod adstantibus miræ suavitatis dulcedinem non
stillaret. Omnibus affabilis, singulis jucunda,
quidquid habuit, in egenos erogavit; & cum omnia
exponderet; dives in paupertate, hilaribus exem-
plum, mæstis consolationis spirabat odorem.
Nunquam vegetior; quàm in ægritudine, nunquam
lætior; quàm in dolore, nunquam saturior; quam
in fame, nunquam liberior; quàm charitatis spon-
si ligata vinculis, nunquam deniq; jucundius fra-
grans; quàm doloribus attrita. Novitiarum Ma-
gistra non verbis, sed exemplis erudiens, omnes
ad virtutis amorem suarum virtutum odore attra-
hebat; ipsa Virtutis regula, & vitæ Religiosæ nor-
ma. Si enim perfectissimam Virtutis Ideam ope-
rosus Zeuxes delineare voluisset, de innocuo MA-
GDALENÆ legisset vultu, quantus virtutis typus,
quanta integritatis majestas. Imò si virtus cerni
posset, MAGDALENÆ formam assumeret,
quam in ea Cælestis Apelles florum depinxit co-
loribus. Arborem dicerem SERAPHICAM VIR-
GINEM, in qua Sanctior Porphyrius CHRI-

STUS omnes virtutum descripsit species, nisi VIRIDARIUM probaretur. Felix CARMELUS tam deliciosô beatus VIRIDARIO, nunquam elevatior quàm laudibûs MAGDALENÆ; nunquam magis conspicuus; quàm floribus Virtutum, nunquam fertilior; quàm tantô Probitatis germine. Nativa CARMELI Sydera nunquam clariùs radiabant; quàm miram VIRIDARII MAGDALENÆ elegantiam intuendo. Imò pridem in suo fatiscerent lumine, nisi illud à meridiè Virtutum illius derivarent. Sed ah tristem metamorphosim! sæva Libitina hebetatam acuit falcem, ut Flores VIRIDARII nostri eradicet, morbi consurgit aquilo, ut suô VIRIDARIUM spoliet decore. Invidet Cælum terris delictum MAGDALENAM CARMELI decorem VIRIDARIUM rapere intendit. Sævitur crudele Lacheseos ferrum, & funestam MAGDALENÆ intentat mortem. Verùm inanis Parcarum conatus, MAGDALENA mori nequit; quia pridem mundo mortua soli Cælo vivit. Adeoq; Virtuti mors ipsa, vita est; & cum moritur: vivere incipit. Germen optimum MAGDALENA, terræ obmoritur, ut copiosum Virtutis fructum Cælo proferat. Imò VIRIDARIUM MAGDALENA fertiliori transplantatur Solo, quia Elysij Paradysi campis; ut superos ipsos suâ recreet amœnitate. Virentes Maji feriæ DIVINISSIMÆ parentarunt MAGDALENÆ, ut eam florentissimum probarent VIRIDARIUM. Felix ille Majus! qui tantam Cælo protulit coronam, Orbi nonnisi atrô notandus lapillô, quem tam deliciosô orbavit VIRIDARIO. Viget ergò inter amœnos Sanctitatis Flores ad Fontem Luminum, VIRIDARIUM CARMELI æternitatis cinctum diademate, ut Orbis

di-

12
disceat: tam angustam Virtutibus MAGDALE-
NÆ extitisse tellurem; ut locum, in quo diutius
staret, non haberet. Ne tamen in Paradysum trans-
latò VIRIDARIO Orbis langvesceret; semina
Virtutum & radicem Florum illius, Sacri Corpo-
ris exuvias reliquit; quibûs inter dolorum æru-
mnas miseri terricolæ recrearentur. Plenam VI-
RIDARII nostri suavitatem vel exinde collige-
re licet, quod Cælum impleat & Orbem. Vile-
scunt Hyblæ Hymettiq; voluptatum deliciae, quæ
melleis gustum mortalium irritant favis, sæpius
tamen mentem humanam sauciant, quàm satiant.
Suaviori longè VIRIDARIUM nostrum abun-
dat ambrosiâ, quâ mortalium animos cum summa
suavitatis dulcedine inebriat. Hæc est Sanctior
Amalthæa, quæ veriore Jovem, AGNUM in-
ter Lilia pergentem Virtutum suarum nutriit Flo-
ribûs, omnibûs cumulata gratijs, quas in mortales
effunderet. Hinc mortui vitam, ægri medelam,
tristes dulcem solationum ambrosiam, debiles viri-
um robur, perpetuâ caligantes nocte lucem deri-
vant; & quidquid humana pietas per MAGDA-
LENÆ merita à Cælis expostulat; in suo coro-
natur voto. Imò spes mortalium superat, cupien-
da prævenit, vota præcurrit; adeoq; illi præstare,
quàm mortalibus optare est promptius. Tacebo
ego, loquatur fama per Orbem Virtutes MA-
GDALENÆ. Orationi terminum pono, ubi
illa ultimam vitæ clausit periodum. Tacebo buc-
cinante gloriâ; VIRIDARIUM MAGDA-
LENAM si non satis probavi, saltem innui,
Vos agnoscite, quod suavis Virtutum prodit fra-
grantia. Plaudite sorti & honori vestro Religiosis-
simi CARMELI PATRES, quibus tam delicio-

51
sum VIRIDARIUM in nativo Solo suam ex-
plicuit amantiam. Felices Vos perpetuum vi-
vere Majum quis non dixerit? cum & Horti
Conclusi MARIAE delicias, & VIRIDARII
MAGDALENÆ dulcia oblectamina præstò
habeatis. Imò Vos ipsi Ver perenne Virtutum
estis, in quibus Virtus & eruditio semper vernal,
& orbem recreat. Langveret roties Orbis, nisi à
Vobis Virtutum & Eruditionis Floribùs fulciretur.

Tu verò VIRGO DIVINISSIMA post-
quàm Te SANCTITATIS VIRIDARIUM
totus agnovit Orbis, diffunde in omnes suavem so-
litorum fragrantiam, ut in Tuæ Sanctitatis cur-
rant odorem. VIRIDARIUM es! ergo in spa-
tioso Orbis Poloni Campo virentes pacis planta
oleas; & nè sub fulminantium fatorum ictu suc-
cumbat; triumphales concede laurus. Regum.

Matrem Filiamq; Almam Universitatem Tuo
Nomini devotissimam, Tui favoris recrea
floribus, nè sub annorum pondere fatiscat.

Mihi verò Tuæ protectionis porrige

Palnam, qui Te devotò cultu in

CARMELI Solo plantatum SAN-

CTITATIS VIRIDARIUM.

D I X I.



Biblioteka Jagiellońska



stdr0022510

